

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona”, broj: 7/10 i 3/23) i članova 52. stav (4) i 60. stav (2) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona”, broj: 25/24, 6/25 i 12/25), na prijedlog Ministarstva zdravstva, Vlada Zeničko-dobojskog kantona, na 124. sjednici, održanoj 10.04.2026. godine, d o n o s i

O D L U K U

o usvajanju Izvještaja o utrošku sredstava po Programu utroška sredstava Ministarstva zdravstva na poziciji “Transfer drugim nivoima vlasti“ - „Tekući transfer za JU Institut za zdravlje i sigurnost hrane“ - Izvor 10 Budžeta Zeničko-dobojskog kantona za 2025. godinu

Član 1.

(Predmet)

Usvaja se Izvještaj o utrošku sredstava po Programu utroška sredstava Ministarstva zdravstva na poziciji “Transfer drugim nivoima vlasti“-„Tekući transfer za JU Institut za zdravlje i sigurnost hrane“- Izvor 10 Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 6/25), koji čini sastavni dio ove odluke.

Član 2.

(Realizacija Odluke)

Za realizaciju ove odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

Član 3.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-7157/26

Datum, 10.04.2026. godine

Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.

**IZVJEŠTAJ O UTROŠKU SREDSTAVA
PO PROGRAMU UTROŠKA SREDSTAVA MINISTARSTVA ZDRAVSTVA NA
POZICIJI „TRANSFER DRUGIM NIVOIMA VLASTI“-„TEKUĆI TRANSFER ZA
JU INSTITUT ZA ZDRAVLJE I SIGURNOST HRANE“-IZVOR 10 BUDŽETA
ZENIČKO-DOBOJSKOG KANTONA ZA 2025. GODINU**

I UVOD

U skladu sa članom 39. stav (3) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24, 6/25 i 12/25), sredstva utvrđena u razdjelu 21, budžetska organizacija 01, potrošačka jedinica 0001, Budžeta Ministarstva zdravstva, ekonomski kod 614100, pozicija „Tekući transferi drugim nivoima vlasti“, koriste se prema programima utroška koje donosi Vlada Kantona.

Budžetom Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24, 12/25 i 23/25) na razdjelu 21-Ministarstvo zdravstva, budžetska organizacija 01, potrošačka jedinica 0001, ekonomski kod 614100 – Tekući transferi drugim nivoima vlasti, subanalitika LAX008, pozicija „Tekući transfer za JU Institut za zdravlje i sigurnost hrane“ planirana su sredstva u iznosu 150.000,00 KM.

Vlada Zeničko-dobojskog kantona Odlukom broj: 02-11-6300/25 od 28.03.2025. godine usvojila je Program utroška sredstava Ministarstva zdravstva na poziciji „Transfer drugim nivoima vlasti“ - „Tekući transfer za JU Institut za zdravlje i sigurnost hrane“-Izvor 10 Budžeta Zeničko-dobojskog kantona za 2025. godinu u iznosu 150.000,00 KM.

Članom 52. stav (4) Zakona o izvršavanju Budžeta Zeničko-dobojskog kantona za 2025. godinu propisana je obaveza organa uprave da o utrošenim sredstvima po usvojenim programima polugodišnje izvještava Vladu Kantona.

II REALIZACIJA PROGRAMA

Vlada Kantona donijela je Odluku o usvajanju Programa utroška sredstava Ministarstva zdravstva na poziciji „Transfer drugim nivoima vlasti“ - „Tekući transfer za JU Institut za zdravlje i sigurnost hrane“-Izvor 10 Budžeta Zeničko-dobojskog kantona za 2025. godinu broj: 02-11-6300/25 od 28.03.2025. godine.

Odlukom o odobravanju sredstava broj: 02-11-11001/25 od 30.05.2025. godine odobrena su sredstva JU Institut za zdravlje i sigurnost hrane Zenica sredstva u iznosu 150.000,00 KM za sufinansiranje programa javno-zdravstvene djelatnosti u 2025. godini i to:

a) Praćenje i analiza zdravstvenog stanja stanovništva i funkcionisanja zdravstva
Ova aktivnost ima opravdanost u stvaranju temelja za donošenje pravilnih zdravstvenih politika i programa, prateći dinamiku zdravstvenog stanja stanovništva i evaluirajući efikasnost zdravstvenih ustanova.

Učinci i efekti:

- Učinci u domenu upravljanja zdravstvenim sistemom i donošenja odluka
Unaprijeđena je analitička osnova za donošenje odluka u oblasti javnog zdravstva i planiranja zdravstvenih politika na nivou Kantona.

- Učinci u praćenju demografskih trendova i zdravstvenih rizika

Obezbijeđen je kontinuirani nadzor nad ključnim demografskim pokazateljima i ranim signalima dugoročnih zdravstvenih i socijalnih rizika.

- Pozitivni efekti u oblasti perinatalne i pedijatrijske zdravstvene zaštite

Uočen je pozitivan pomak u kvaliteti zdravstvene zaštite najosjetljivijih populacionih grupa.

- Učinci u oblasti sanitarno-higijenskog i epidemiološkog nadzora

Identifikovani su ključni sistemski rizici u oblasti sanitarno-higijenskih uslova koji direktno utiču na epidemiološku situaciju.

- Učinci po javno zdravlje i prevenciju bolesti

Smanjen je rizik od izbijanja epidemija i pogoršanja zdravstvenog stanja kroz kontinuirani nadzor i ranu identifikaciju prijetnji.

- Učinci u transparentnosti i informisanju javnosti

Povećana je transparentnost rada zdravstvenih institucija i dostupnost informacija građanima.

b) Prikupljanje i obrada zdravstveno-statističkih podataka i statistička istraživanja u zdravstvu

Ova aktivnost doprinosi informiranoj odlučivanju putem sustavnog prikupljanja i analize zdravstveno-statističkih podataka, što je ključno za praćenje trendova i identifikaciju prioriteta u zdravstvu.

Učinci i efekti:

- Učinci u kvalitetu zdravstveno-statističkih podataka

Unaprijeđen je kvalitet, potpunost i pouzdanost zdravstveno-statističkih podataka na kantonalnom nivou.

- Učinci u pravovremenosti i kontinuitetu statističkog praćenja

Obezbijeđeno je pravovremeno i kontinuirano praćenje zdravstvenih pokazatelja tokom cijele godine.

- Učinci u analizi mortaliteta i identifikaciji vodećih uzroka smrti

Omogućena je detaljna i pouzdana analiza strukture mortaliteta stanovništva.

- Učinci u planiranju preventivnih i kurativnih programa

Analiza mortaliteta i morbiditeta omogućila je bolje usmjeravanje javnozdravstvenih intervencija.

- Učinci u praćenju morbiditeta i opterećenja zdravstvenog sistema

Obezbijeđen je sistematski uvid u strukturu obolijevanja i dugoročno opterećenje zdravstvenog sistema.

- Učinci u jačanju zdravstveno-informacionog sistema

Unaprijeđena je funkcionalnost i interoperabilnost zdravstveno-informacionih sistema.

- Učinci edukacije i podrške zdravstvenim ustanovama

Poboljšan je kvalitet vođenja medicinske dokumentacije i izvještavanja zdravstvenih ustanova.

c) Antirabična zaštita

Finansiranje ove aktivnosti je imperativ jer antirabična zaštita direktno utječe na prevenciju i kontrolu ozbiljnih zoonotskih bolesti, čime se štiti zdravlje ljudi i životinja.

Učinci i efekti:

- Učinci u zaštiti zdravlja stanovništva i prevenciji smrtonosnih ishoda

Osigurana je efikasna i pravovremena zaštita stanovništva od bjesnila, bolesti sa izuzetno visokim letalitetom, čime je spriječen nastanak kliničkih slučajeva i smrtnog ishoda.

- Učinci u dostupnosti i kontinuitetu zdravstvene usluge

Osigurana je stalna, neprekidna dostupnost antirabične zaštite kao hitne javnozdravstvene usluge.

- Učinci u kvalitetu zdravstveno-statističkih podataka i praćenju trendova

Unaprijeđen je sistem prikupljanja, obrade i analize zdravstveno-statističkih podataka vezanih za antirabičnu zaštitu.

- Učinci preventivnih mjera i smanjenja izloženosti riziku

Zabilježen je smanjen broj osoba koje su se javile zbog ugriza ili kontakta sa životinjama u odnosu na prethodnu godinu.

- Učinci u identifikaciji glavnih izvora rizika i prostorne distribucije

Identifikovani su dominantni izvori rizika i teritorijalna raspodjela povreda, što omogućava ciljano planiranje intervencija.

- Učinci međusektorske saradnje

Ojačana je saradnja između zdravstvenih, veterinarskih i lokalnih institucija u oblasti antirabične zaštite.

- Učinci edukacije i savjetovanja stanovništva

Povećan je nivo informisanosti građana o pravilnom postupanju nakon ugriza ili kontakta sa životinjama.

d) Nadzor nad akutnom flakcidnom paralizom

Ova aktivnost je ključna u praćenju pojavnosti i suzbijanju bolesti, pridonoseći efikasnoj kontroli i odgovoru na potencijalne epidemije.

Učinci i efekti:

- Učinci u očuvanju statusa Kantona i države kao područja slobodnog od poliomijelitisa

Očuvan je visok nivo epidemiološke sigurnosti i kontinuitet statusa Bosne i Hercegovine kao zemlje slobodne od poliomijelitisa.

- Učinci u ranoj detekciji i pripravnosti sistema

Održana je stalna operativna spremnost za rano otkrivanje svakog potencijalnog slučaja AFP-a.

- Učinci u kontinuitetu i kvalitetu izvještavanja

Osiguran je redovan, potpun i pravovremen tok informacija unutar sistema nadzora.

- Učinci u jačanju kapaciteta zdravstvenih ustanova i zdravstvenih radnika

Ojačana je pripravnost i svijest zdravstvenih radnika o značaju pravovremene prijave AFP-a.

- Učinci u laboratorijskoj i logističkoj spremnosti

Održana je potpuna spremnost za laboratorijsku potvrdu slučajeva u skladu sa međunarodnim protokolima.

- Učinci u prevenciji i javnozdravstvenoj sigurnosti

Održan je visok nivo zaštite dječije populacije i spriječena pojava teških neuroloških posljedica.

e) Monitoring polena

S obzirom na povećanu osjetljivost nekih populacija na alergije, monitoring polena opravdan je radi pravovremenog informiranja javnosti i poduzimanja preventivnih mjera.

Učinci i efekti:

- Uspostavljen funkcionalan i kontinuiran sistem monitoringa polena.

- Rana identifikacija početka i trajanja polinacije glavnih alergena.

- Unaprijeđena informisanost stanovništva i zdravstvenog sistema.

- Smanjen zdravstveni rizik kroz ciljana upozorenja i preporuke.

- Smanjeno opterećenje ambrozijom u Zenici i Visokom.

- Detaljna prostorna i sezonska diferencijacija alergijskog rizika.

- Jačanje javnozdravstvenih i preventivnih kapaciteta.

f) Nadzor nad obaveznim imunizacijama

Održavanje ovog nadzora ima ključnu ulogu u postizanju i održavanju visokog obuhvata cijepljenja, smanjujući širenje zaraznih bolesti i unapređujući kolektivni imunitet.

Učinci i efekti:

- Obuhvat imunizacije

Evidentiran pad obuhvata vakcinacijom u odnosu na 2024. godinu.

- Organizacija rada i dostupnost imunizacije

Osigurana dostupnost imunizacije na cijelom području kantona.

- Supervizija i kvaliteta izvođenja imunizacije

Uočeni propusti i data stručna podrška; povećana kvaliteta izvođenja imunizacije.

- Kontrola hladnog lanca i sigurnost vakcina

Očuvana sigurnost i efikasnost vakcina.

- Izvještavanje i transparentnost podataka

Transparentno izvještavanje i kvalitetna baza podataka za planiranje.

- Javna promocija i svijest stanovništva

Povećana svijest javnosti o značaju imunizacije.

g) Ustroj upravljanja kvalitetom u zdravstvenim ustanovama Zeničko-dobojskog kantona kroz integraciju istraživanja zadovoljstva pacijenata, postavljanje standarda za neovisno ocjenjivanje zdravstvenih ustanova

Razvija se model istraživanja zadovoljstva pacijenata i dostupnosti zdravstvenih usluga. Fokus je na edukaciji zdravstvenih radnika i menadžmenta, što će omogućiti bolje vođenje i praćenje kvaliteta usluga kroz razvoj prilagođenih indikatora uspješnosti (KPI) u skladu sa standardima.

Rezultati ovog istraživanja jasno ukazuju da je zadovoljstvo zdravstvenom zaštitom u Zeničko-dobojskom kantonu u padu, te da se ono ne može posmatrati izolovano, već u korelaciji sa dostupnošću usluga, organizacijom sistema, kadrovskim kapacitetima i infrastrukturom. Statistički značajna povezanost materijalnog i zdravstvenog stanja ispitanika dodatno ukazuje na ranjivost socijalno osjetljivih kategorija stanovništva i potrebu da se organizacija zdravstvene zaštite prilagodi njihovim potrebama.

Svi navedeni programi pridonose efikasnosti zdravstvenog sistema putem sistemskog praćenja, prevencije bolesti te unapređenja zdravstvene zaštite, čime se ostvaruju dugoročni pozitivni učinci na zdravlje stanovništva.

Sredstva odobrena odlukom transferisana su u ukupnom iznosu na žiro-račun JU Institut za zdravlje i sigurnost hrane Zenica dana 11.06.2025. godine.

U skladu sa članom 4. navedene Odluke o odobravanju sredstava JU Institut za zdravlje i sigurnost hrane Zenica dužna je izvijestiti Ministarstvo zdravstva o namjenskom utrošku sredstava dostavljanjem izvještaja o realizaciji projekata za period januar-decembar 2025. godine do 31.01.2026. godine.

JU Institut za zdravlje i sigurnost hrane Zenica dostavila je Ministarstvu zdravstva Izvještaj o utrošku sredstava u 2025. godini - Programi javnozdravstvenih aktivnosti koje realizuje Zavod za javno zdravstvo Instituta za zdravlje i sigurnost hrane Zenica broj: 02-71/26 od 09.01.2026. godine, koji je sastavni dio ovog izvještaja.

U navedenom izvještaju obrađene su sve aktivnosti sa prezentiranim učincima i efektima za svaku pojedinačnu aktivnost.

U sljedećem tabelarnom pregledu data je struktura ukupnih troškova po svim programima:

Program	Bruto primanja zaposlenih	Troškovi tehničke realizacije programa	Indirektni troškovi	Ukupno
Praćenje i analiza zdravstvenog stanja stanovništva i funkcionisanja zdravstva	14.340	1.000	2.301	17.641
Prikupljanje i obrada zdravstveno-statističkih podataka i statistička istraživanja u zdravstvu	23.111	1.008	3.618	27.737
Antirabična zaštita	11.205	500	1.756	13.461
Nadzor nad akutnom flakcidnom paralizom	5.307	500	871	6.678
Monitoring polena	9.529	5.026	2.183	16.738
Nadzor nad obaveznim imunizacijama	21.649	5.872	4.128	31.649
Ustroj upravljanja kvalitetom u zdravstvenim ustanovama Zeničko-dobojskog kantona kroz integraciju istraživanja zadovoljstva pacijenata, postavljanja standarda za neovisno ocjenjivanje zdravstvenih ustanova	11.137	21.287	4.864	37.288
UKUPNO	96.278	35.193	19.721	151.192

Ukupni troškovi po osnovu Tekućeg transfera za JU Institut za zdravlje i sigurnost hrane iznose 150.000,00 KM, što je 100,0% sredstava planiranih Budžetom Zeničko-dobojskog kantona za 2025. godinu.

Prilog:

1. Izvještaj utroška sredstava – Programi javnozdravstvenih aktivnosti koje realizuje Zavod za javno zdravstvo Instituta za zdravlje i sigurnost hrane Zenica broj: 02-71/26 od 09.01.2026. godine

Zenica, mart 2026. godine

MINISTRICA

dr Aida Salčinović